



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola VII. Innocentii Papae IV. Ad Raimvndvm De Pennaforti Ordinis
Praedicatorvm Magistrvm, & prouincialem Hispaniae. De haeresi
extirpanda.

urn:nbn:de:hbz:466:1-15974

EPISTOLA VII.

INNOCENTII PAPÆ IV.

AD RAIMVNDVM DE PENNAFORTI
ORDINIS PRÆDICATORVM MAGISTRVM,
& prouincialem Hispaniæ.

De hæresi extirpanda.

*Innocentius episcopus seruus seruorum Dei dilectis filiis priori pro-
vinciali in Hispania, & fratri Raimundo de Pennaforti or-
dinis Prædicatorum, salutem & apostolicam benedictionem.*

INTER alia desiderabilia cordis nostri specialiter id optamus, & ad illud potissime dirigimus nostræ intentio-
nis affectum, per quod salus prouenit animarum, & no-
men Domini gloriosum plenius collaudatur. Quia igitur
Deo non est acceptabile obsequium absque fide, ad pro-
pagationem & corroborationem ipsius & Christianæ re-
ligionis augmentum quanta possumus sollicitudine vigi-
lare debemus, & hoc per nos & alios incessanter verbo &
opere procurare, vt diffundatur per orbem latius cultus
Dei, & messe agri multiplicata dominici frumentum in
cælestia horrea inferatur. In his autem nobis fratres ve-
stri ordinis Dominus specialiter voluit esse adiutores,
qui spretis mundi dissoluti blanditiis sub religionis arcta
rigore in voluntate Christo ad placitum famulantes, de
fidelium campo extirpare noxia, & in eo plantare salu-
bria, nec non muniti spirituali pro defensione fidei ar-
matura errorum laqueis irretitos eripere, ac in regione
dissimilitudinis conuersantes ad vnitatem matris ecclesiæ
reuocare diligentia indefessa procurant; proficientes si-
bi per vitæ meritum, & aliis verbo pariter & exemplo.
Vnde quia in inquisitione facienda contra hæreticos eo-
rumdem fratrum solertiam nouimus plurimum oppor-
tunam, ipsis huiusmodi negotiis prouidimus specialiter
committendum. Ideoque deuotionem vestram mone-
mus & hortamur in Domino Iesu Christo, vobis per a-
postolica scripta mandantes, quatenus ad ipsius pros-
ecutionem negotii solicite intendens aliquos fratres eius-
dem ordinis de regno Aragoniæ, quos ad hoc idoneos

Concil. Tom. 28.

Ccc ij

fore noueritis, inquisitores hæreticæ prauitatis in provincia Narbonensi per districtum tantum carissimi in Christo filii nostri Iacobi Aragonum regis illustris auctoritate nostra deputare curetis, iniungentes eisdem ut in negotio ipso secundum formam a bonæ memoria Gregorio papa prædecessore nostro editam, & a nobis postmodum innouatam, iuxta quam siquidem procedunt fratres dicti ordinis in ipsa Provincia, sicut eidem negotio expedire viderint, tam contra hæreticos, & ad ipsos accedentes, & fautores, & receptatores, ac defensores eorum, quam alios ipsi negotio aduersantes, neminem praeter Deum in hac parte timendo, efficaciter procedere non omittant. Tu vero prior de consilio seniorum & discretorum fratrum præfati ordinis eiusdem regni inquisitores huiusmodi auctoritate nostra remoueas transerasque, alios substituas, vel supersedere facias, cum ex causa rationabili id videris faciendum.

Datum Lugduni decimotertio Kalendas Nouembri, pontificatus nostri anno sexto.

EPISTOLA VIII.

INNOCENTII PAPÆ IV.

AD POTESTATES, RECTORES, CONSILIA,
ET COMMUNITATES PER LOMBARDIAM.

Constitutiones contra hæreticos a magistratibus sacerdaribus obseruandæ.

Innocentius episcopus seruus seruorum Dei dilectis potestatibus, siue rectoribus, consiliis, & communitatibus ciuitatum, aliorumque locorum per Lombardiam, Romaniam, & marchiam Trevisinam constitutis, salutem & apostolicam benedictionem.

Ad extirpanda de medio populi Christiani hæreticæ prauitatis zizania, quæ abundantius solito succreuerunt, superseminante illa licentius his diebus hominis inimico, tanto studiosius iuxta commissam nobis solitudinem insudare proponimus, quanto perniciosius negligremus eadem in necem catholici seminis peruagari. Volentes autem ut aduersus huiusmodi nequitia operarios consurgant, stentque nobiscum ecclesiæ filii, ac orthodo-